

Landsfundur Kvennalistans: 04.4

Reynsla og valddreifing togast á í framboðsmálum

Kvennalistinn hélt landsfund nú um helgina þar sem rædd voru mállefni og framtíð Kvennalistans. Á fundinum komu kvennalistakonur úr öllum kjördæmum nema Vestfjarðakjördæmi og Norðurlandskjördæmi vestra, þar sem ekki hafa verið stofnaðir kvennalistaangar.

Guðrún Jónsdóttir starfsmaður Kvennalistans sagði þær kvennalistakonur vera að undirbúa kosningar og hefði mállefnavinna verið í gangi að undanförnu. Á landsfundinum hefðu kvennalistakonur borið saman bækur sínar og samræmt stefnu sína. Fyrirhugað væri síðan að ganga frá stefnuskrá á landsfundi í janúarlok.

Kvennalistinn hefur nú þegar tilkynnt framboð í Reykjavík, á Reykjanesi og Vesturlandi, en ekki hefur verið tekin ákvörðun um framboð annars staðar. Guðrún sagði mikinn hug í kvennalistakonum um allt land og allt gæti gerst í framboðsmálum. Það væri þó algerlega mál „kvennalistaanganna“ í hverju kjördæmi að taka ákvörðun þar um.

Að sögn Guðrúnar einkenndist landsfundurinn af þeim fjölda kvenna sem sótti fundinn víða af landsbyggðinni. Mikil hefði verið rætt um landsbyggðarmál út frá sjónarhóli kvenna, sérstaklega vandamál þeirra kvenna er störfuðu að landbúnaði.

Nokkur umræða hefur verið meðal Kvennalistans um hvort endurnýja eigi í efstu sætum á framboðslistum við alþingiskosningarnar. Guðrún sagði það togast á hjá kvennalistakonum hvort vegi þyngra

reynsla þingmanna Kvennalistans, sem staðið hefðu sig svo frábærlega vel, eða það megin markmið að dreifa áhrifastöðum milli kvenna í anda valddreifingar sem væri grunnur Kvennalistans. Landsfundurinn sampykkti að vísa þessu máli til kvennalistaangaðna.

Aðspurð um afstöðu kvennalistakvenna til orða Jóns Baldvins Hannibalssonar formanns Alþýðuflokkins um að Kvennalistinn væri óhafur í ríkisstjórn vegna þess að hann neyddist til að leggja öll mál fyrir landsfund, sagði Guðrún, að ef Jóni Baldvin fyndist það ókostur að lýðræðið í stjórnmalasamtökum væri virkt, þá lýsti það best hans eigin vinnubrögðum. Þau vinnubrögð væru honum ekki til sóma. —HM

11/11 '86 Tímin